



Broj: 07-11-1764/24
Vogošća, 12.11.2024. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 12.11.2024. godine donio je

**ODLUKU
O IZBORU NAJPOVOLJNIJEG PONUĐAČA ZA IZVOĐENJE RADOVA NA ZAMJENI
DOTRAJALIH OZNAKA NA AUTOBUSKIM STAJALIŠTIMA**

Član 1.

Ponuda ponuđača "Sacom" d.o.o. Sarajevo, ulica Industrijska zona Luka broj 1. Ilijaš, odabrana je za izvođenje radova na zamjeni dotrajalih oznaka na autobuskim stajalištima, kao jedina formalno-pravno prihvatljiva ponuda, sa ponuđenom ukupnom cijenom nabavke u iznosu od 12.796,00 KM bez uračunatog PDV-a, odnosno 14.971,32 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 18.10.2024. godine donio Odluku o pokretanju Otvorenog postupka nabavke radova na zamjeni dotrajalih oznaka na autobuskim stajalištima, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 21.10.2024. godine pod brojem: 1353-1-3-229-3-164/24.

Sažetak Obavještenja o nabavci objavljen je u "Službenom glasniku BiH" broj: 72/24 od 25.10.2024. godine.

Tendersku dokumentaciju sa Portala javnih nabavki BiH je preuzelo 8 (osam) ponuđača.

Krajnji rok za dostavu ponuda bio je 11.11.2024. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 11.11.2024. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1764/24 iz oktobra 2024. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Sacom" d.o.o. Sarajevo	12.796,00	/	/	14.971,32
2	"Savico" d.o.o. Sarajevo	12.819,20	/	/	14.998,46

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Savico" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. pod b) TD su od ponuđača zahtjevano obrazovne i profesionalne kvalifikacije lica koja su angažovana na izvođenju konkretnih radova tj. da ponuđač za potrebe realizacije predmeta nabavke ima na raspolaganju angažovano tehničko osoblje i to:

- 1 (jedno) lice VSS VII stepen-dipl ing. građevine odnosno visoko obrazovanje najmanje prvog ciklusa (koji se vrednuje sa najmanje 240 ECTS bodova) ili drugog ili trećeg ciklusa Bolonjskog sistema studiranja-građevinske struke, sa položenim stručnim ispitom i 3 (tri) godine radnog iskustva u struci ili inženjer građevinarstva (VI stepen), odnosno visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova), sa položenim stručnim ispitom i 5 (pet) godina radnog iskustva u struci,
- 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme i 3 (tri) godine radnog iskustva,
- 1 (jedno) lice, SSS ili VŠS-III ili V stepen, smjer vozač motornih vozila (KV ili VKV vozač),
- 2 (dva) NK radnika.

Tačkom 7.4.2. pod b) TD kao dokazi za postavljene zahtjeve ugovornog organa iz tačke 7.4.1. pod b) TD su propisani:

- Diploma o završenoj VSS i Uvjerenje o položenom stručnom ispitu za jednog dipl ing. građevine (VII stepen) i dokaz o radnom iskustvu i radnom angažmanu, odnosno Diploma i Uvjerenje o položenom stručnom ispitu za visoko obrazovanje najmanje prvog ciklusa (koji se vrednuje sa 240 ECTS bodova) ili drugog ili trećeg ciklusa Bolonjskog sistema studiranja građevinske struke i dokaz o radnom iskustvu i radnom angažmanu ili Diploma o završenoj VSS i Uvjerenje o položenom stručnom ispitu za inženjera građevinarstva (VI stepen), odnosno Diploma i Uvjerenje o položenom stručnom ispitu za visoko obrazovanje prvog ciklusa Bolonjskog sistema studiranja (koje se vrednuje sa 180 ECTS bodova) i dokaz o radnom iskustvu i radnom angažmanu,
- za 1 (jedno) lice koje ispunjava uslove za obavljanje poslova predradnika (poslovođe) građevinske struke, minimum IV stepen stručne spreme potrebno je dostaviti Diplomu/Svjedočanstvo o završenoj traženoj stručnoj spreml i dokaz o radnom iskustvu i radnom angažmanu,
- za 1 (jedno) lice, SSS ili VŠS-III ili V stepen, smjer vozač motornih vozila (KV ili VKV vozač) potrebno je dostaviti Diplomu/Svjedočanstvo o završenoj traženoj stručnoj spreml i dokaz o radnom angažmanu,
- za 2 (dva) NK radnika potrebno je dostaviti dokaze o radnom angažmanu (za traženu stavku se u obzir uzimaju i radnici sa većim stepenom stručne spreml).

Ponuđač "Savico" d.o.o. Sarajevo je u svojoj Ponudi propustio da dostavi Diplome i uvjerenja o položenom stručnom ispitu kojim se dokazuje kvalifikacija lica koja su angažovana na izvođenju konkretnih radova, a koji su jasno propisani tačkom 7.4.2. pod b) TD.

Zbog prethodno navedenog, a u skladu sa odredbom člana 2. stav I alineja 3. i člana 68. stav 4. Zakona o javnim nabavkama BiH ("Službeni glasnik BiH", broj 39/14, 59/22 i 50/24) Komisija za javne nabavke je ocijenila Ponudu ponuđača "Savico" d.o.o. Sarajevo kao nepravilnu za ugovorni organ.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Sacom" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela pristiglih Ponuda, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Sacom" d.o.o. Sarajevo, za izvođenje radova na zamjeni dotrajalih oznaka na autobuskim stajalištima, kao jedine formalno-pravno prihvatljive ponude, sa ponuđenom ukupnom cijenom nabavke u iznosu od 12.796,00 KM bez uračunatog PDV-a, odnosno 14.971,32 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

z Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović

Migdad Hasanović

Dostavljeno:

1. "Sacom" d.o.o. Sarajevo
2. "Savico" d.o.o. Sarajevo
3. Nadležnoj Službi
4. U dosije
5. a/a

sacomdoo@gmail.com
savico.doosarajevo@bih.net.ba